

مُشَاطِقِ

اداره مخصوصه

درسعادنده باب عالی جاده سنده

محل اداره :

انظار :

مسلكمزه موافق آثار جديده مع المنويزه

قبول اولنور

درج نبدله بن آثار اعاده اولغاز

دين ، فلسفه ، ادبيات ، حقوق و علوم دن باحث هفته لق رساله در

مؤسسه لری : ابوالعلا زین العابدین - ح . اشرف ادیب

تاریخ تاسیسی :

۱۱ نموز ۳۲۴

سنه لکی

۲۰

۴۰

۴۰

درسه دتده

ولایاتده

مملک اجنبیه ده

درسعادنده لمخه سی ۵۰ پاره در

قیرلادن مقوا بورو ایله کوندر یلبرسه سنوی
۲۰ غروش فضله آلیر

درسعادنده پوسته ایله کوندر یلبرسه ولایات بدلی اخذ اولنور.

ایکنجی جلد

۳۰ ربیع الاخر ۳۲۷ پنجشنبه ۷ مایس ۳۲۵

عدد : ۳۷

علم، فکر، نظر استدلال مدخول قالدی. [حالبوکه بونلر لوازم دین ایدی.] دها صوکر ایدیناً واجب اولان امور محظورات صرسته بکدی.

مسلمانلر دینلرنده حقیقه عالم اولدقلری زمان بتون اقوام دنیا آراسنده عالم ایدیلر. بتون عالمک پیشواسی ایدیلر. اسرار شریعتی بیلیمک خسته لغنه طوتولنجه آرتق موجودیت حقیقه لرینی محافظه ایدهمیرک انهمزاه اوغرا دیلر.

یامسلمانلرک بوجهلی مسائل دینده کنیدیلرینه مخالفتده بولونانلری، یاخود مسالک فلسفه ذاهب اولانلری تکفیرله قالدیمی؟ هیات...! اونلرک بوجهلی کنیدیلرینی ائمه دینه، خدمه سنت و کتابه هجومه قدر سوق ایتدی. از جمله امام غزالیکن کتابلری برچوق زمانلر جمهور مسلمینک ایدی استفاده سنده کمال حرمتله کزمشکن اخیراً غرناطیه کتورلدی. عالم کسوه سینه بروشمش بر طاقم مغربلی متعلملر او اثرلری تضلیل ایتمکه، تفسیق ایتمکه باشلادیلر. بونک اوزرینه آثار غزالیکنک کافه سی، خصوصیه احیای علومک بتون نسخه لری طوبلادیله رق غرناطیه نک اورتیه سنده جابر جابر یاقلدی. کنیدیلرینی مسلم ظن ایدن بعض بدلار ابن تیمیه حقنده: او، هم ضال، هم مضلر، دیرلرکه حضرتک علوم دینیه ده کی کبی غیرت دینیه سی قدر عالیدر. آرتق بو حریفلرک اثرینه تبعیتله یتیشن مقلدلر اکبرامته اغز طولوسی سوککه باشلادیلر. وبالی قیامته قدر کنیدیلرینه و کنیدیلرینی مقتدا اتخاذا ایدنلرک بویته اولسون.

مترجمی: محمد عاکف

تذکره حوالک یادماضی

— مایمه —

مدارس مزده کفایت مقداری علوم آله او قوندقندن صکره اصل اوزون اوزادییه اوغراشیله جق علوم شو علوم عالیهدر: تفسیر شریف، حدیث، فقه، اصول فقه، اصول حدیث، علم توحید و کلام. بو علوم عالیه بزه خیر و شری، فضائل و رذائل کوسترر، قوه فعاله مزری خیره سوق ایدر، اخلاقزی تهذیب ایلر، وظائف و حقوقزی اوکرده در، معاملاتمزری تصحیح ایلر، الحاصل سعادت دارینه رهبر اولور. دارالافاده لرمز: مؤذنین، ائمه، خطباء، وعاظ و متکلمین، مشایخ صوفیه، قضاة، اهل فتوی، مدرسین یتشدریمک اوزره صنوف و طبقات مختلفه تقسیم و تدریسات واقعه بوصفله کوره ترتیب اولنورسه دهامضبوط، نفی دهام و شامل اولور صانیرم. وقیله دارالقراء، دارالحديث، دارالطب کبی فنون مختلفه

تعلیم و قرائتنه مخصوص مدرسه لرمز وار ایدی، دارالمشویمز ایسه حالا موجود. فقهای عظام اجماع ایلمشلردرکه هر اوچ کونلک مسافه ده ازاله شبات، الزام معاندین، ارشاد مسترشدین ایلیمکه مقتدر بر ذاتک وجودی لابددر، هر نصف مرحله ده بولسان محللرده دخی ظواهر احکام شریعتیه واقف برعالم بولغلی در.

ایام تحصیلده صباحلری ایکنیدیلری وایام تعطیل اولان جمعه وصالی کونلری ینه او وقتلرده خواجه مرحومک درسده دوام ایدر و اوقات سائرده ودرس کسملرنده و مرحوم دیوان احکام عدلیه یه اعضا تعیین اولنوب برآرهلر ایکنیدی درس لرینی ترک ایتدیکندن ایکنیدی درس لرنده دخی بعض افاضل اساتذهنک تدریساتنه مداوم بولندیغمز صرده [ایضاح المرام فی کشف الظلام] مؤلفی فاضل محترم عبدی بکله علامه شهر شیخ تیمی و محدث ادیب احمد شتوان افندیلردن تفسیر، حدیث، ادبیات عربیه او قودم. شتوان افندی مرحوم لسانی لحن و خطادن محفوظ اوله رق درسی غایت سلیس و فصیح تقریر ایتدیکی کبی کرک تأیید مقال و کرک الفاظ لغویه نک معانیسنی ایضاح صدندده استشهاد ایچون برچوق ابیات ادبا، برخیلی اقوال علما ایرادیلر بحتی توسیع و تزین ایدر بر ادیب ذوق آشنای کلام ایدی [۱] تیمی مرحوم دخی عربجه تقریر ایدر و درس ائساننده مناسبت دوشوروب خوش خوش فقره لر منقبه لر سویله رک هم طلبه نک مطالعه دن یورلمش اولان ذهنلرینی تشیط ایلر، هم مطایبات ایله تلوین ایدلمش عارفانه سوزلر ایله ادب و اخلاق درسی ویربریر محترم ایدی. [مطول] ک مسند بحتی او قور ایکن ارقداشلر مزدن برینی او یوقلار کوردیکندن «رأیت فی المنام کءنک تسبیح فی البحر» ملاطفه سیله ایقاظ ایلشیدی. برکون صوردی: سعدالدین تفتازانی کبی بر علامه بی مدانی یه یاقیشورمی ایدی که فن بلاغته تألیف ایتمش اولدینی شوشرحنی نظر قنده مقدوح اولان (مطول) تسمیه ایتسون. بو سؤاله زفقادن هربری بر درلو جواب ویردیه ده مرضیه نه موافق کلدیکندن هیچ برینی بکنمیدی. «ذی الطول العظیم» آیت کریمه سی خاطریه کلدی. دیدم که «سیدی! هذا الاسم مشتق من الطول بفتح الطاء وهو الفضل، كما ورد في قوله تعالى ذی الطول العظیم، لا من الطول بضم الطاء فلا یكون الکتاب مسماً بما هو معیب عند اهل الفن».

بو توجهیه کوره مطول لفظی مفضل معناسنی افاده ایدیور دیمک اولدیفندن عرض ایتدیکم جوابی پک تقدیر ایدوب «هذا الصغیر اعقل ممن؛ منکم منکم» سوزینی کنیدینه مخصوص بر شیوه ایله وبلند ندا ایله برقاج کره تکرار ایلدی. واقعا خطیب دمشق نک تلخیصی اوزینه علامه تفتازانی نک بو شرحندن بشقه «مختصر» نامنده دیگر بر شرحی

[۱] احمد شتوان افندی بنغاریده تولد ایتمش و ۱۲۹۹ ده درسما تده ارحال دارقما ایلشدر. ابوالفتح و المناری سلطان محمد خان نالی حضرتلرینک نرته شریفه سی جوارنده کی حظیر ده مدفوندر. تبری، حظیره نک بحر سفید جهنند، واقع نیوسندن کیرلرکه قیوه قریب بر محله ده صاغ طرفده پار قلاغ ارق سنده کی بکجه صرده در.

عالیه علومه اسرار فطرتک تدقیقه طالمش ، قلبی صاف و براق بر فیلسوف حقیقت شناس ایدی . طور و مشربی ، ظریفانه سوزلری پک خوش پک طاتلی ایدی . بعضاً اول قدر طالغین بولنور ایدی که تعریفی قابل دکل . طالغینلغنده بیله بر حلاوت وار ایدی . قونیه دن عودتمده باب عالی جوارنده کی انزوا کاهنه کیدوب زیارت ایتش و اوزمان قونیه والیسی بولنان عاکف پاشا مرحومک سلامنی تبلیغ ایتش ایدم . بنی بیکانه بر مسافر صفتیله رسمی بر صورتده تلقی ایدی . شاکردانی حقنده او مالوفی اولدینمز طور و بشاشتی کورمه مدم . برمدت اوتوردقندن و آفاقی برقچ سوز تعاطی ایلدکدن صکره قالدقم کتدم . بر ایکی کون کچمدی که یولده بکا تصادف ایدر ایتمز وای .. سمنی سین دیه کمال بشاشت ایله بیونمه صارلدی . مکر خواجه مرحوم بنی بر ایکی کون اولکی ملاقاتده عاکف پاشانک متعلقاتندن بری صائمش ..

اخیراً فاتح جامع شریفی درساملمرندن اولدینی حالده چوق کچمه دن کنج ایکن وفات ایدن شعرا و فضلالی طلبه علومدن نوره قوبلی محمود افندیله برارلق ملکیه مکتبه دوام ایتک ایستدک . محمود افندی بر نورجوال ذکا ایدی ، کندوسنک غایت رنگین اشعاری واردر . بوهوسمز قائم مقام چیقماق ایچون دکل ، اوزمان اوراده او قونان درسلدن مستفید اولمق فکرینه مبنی ایدی . [مابعدی وار]

برکت زاده : اسماعیل عفی

صدیق فکر

مادیونک شهباتیلله آنلرک بطلانی

شبهه سز بو حریفلرک عقللرندن زوری وار . لکن بز اونلرک مصاب اولدقلری بین خسته لغنی ایضاح ایتمکدن واز کچلمده سوزی مشهور وولتره براقلم . چونکه ابنای قومنی او بزدن دها ایی بیلیر . وولتر قاموس فلسفیسندن دیورکه :

« کوز کورمک ، قولاق ایشیتمک ، معده اغذیه یی هضم ایلهمک ایچون یارادلش دکلدر . ادعاسنده بولنق کبی سرسملک ، بو قدر یینسزک اوله ماز . »

اوت وولتر بونلری بویله بر وصف سافل ایلله توصیفده پک اصابت ایتمشدر . زیرا اونلرک حالته ک مناسب اولانی ده بودر . نته کیم استاد اولیرده کندیلریله مناقشه یه تنزل ایتیه کچی سویله مشدی . چونکه اونلر صف معارضینده بولنه بیله جک سویه معرفتده دکلدرلر . بناءً علیه بیایغناک صوک درکسبده بولنان بوکی سوزلره تصادف اولنجه بر مزبله کورلمش کبی نظری همان باشقه طرفه چویرمک ایجاب ایدر . لکن ایچمده برقچ سوزوارکه بو افراط پرورانه قارشى سویله مه دن کچمه جکم :

اگر بوتون بوکون مدعش ، افکاره ، نظاره حیرت ویرن بو

بولندیغنه نظر آ ایلک اول ذهنه مطول اسمنی مختصر مقابلنده اختیار ایلش اولدینی تبادر ایدرسده مختصرک دیباجه سنده مصرح اولدینی وجه ایلله علامه مشار الیه اولامطولی ثانیاً مختصری تألیف ایلدیکی جهته بو اسمی هنوز موجود اولیان دیگر بر تألیفک اسمنه مقابل اولق اوزره انتخاب ایتمشدر دینیه میه جکی بدیداردر . مفضل معناسنجه مطول تسمیه سنی ایسه دیگر شراحک شروحنه نسبتله اختیار ایلدیکی مطولک دیباجه سی مفادندن نمایاندر . بونکچون ایدیکه توجیه معروض حضرت شیخک مظهر تقدیر فراوانی اولدی . [۱]

عبدی بک مرحومک تدریسی بر زمان و مکان معینه مقصور دکلدی . طلاب فیض عرفانی کاه مشائون کبی مشار الیه ایلله برلکده یوللرده کزه رک استفاضه ایدر ، کاه خانه سنه کیدیلور ، بعضاً دیرکلر اره سنده چایچی حاجی رشیدک چایخانه سنده برلشیلور ایدی . بهارک کشایشلی ، روح افزا ، ازدحام ناسدن خالی کونلرنده دخی زورق سوار اوله رق سمت ایوبه عزیمت ایدیلوب بوستان اسکله سنده دریاه ناظر مجامع ظرفاده علم و عرفان محبتلری ایدیلور ایدی . مشار الیه ایلله مستفیضلرینک حالی کویا شوییتک ماصدقی ایدی :

که معتکف دیرم و که ساکن مسجد

یعنی که ترامی طلبم خانه بخانه

مرحومک افاده سی غایت منقح و طبعی تصوفه مائل ایدی . او منقح افاده لرله کاه بعض آیات فرقانیه یی تفسیر ، کاه تصوفه دائر مباحث غامضه یی شرح و تقریر ایتدیکی زمان انجمن عرفانندن ایرلق ایسته نلمزدی . راقم الحروفک دلالتیه شیخ یحی افندی مطبعه سنده طبع ایدیلن ایضاح المراحی شایسته مطالعه بر اثر قیمتداردر . مرحوم ، بز عکاده ایکن وفات ایتمشیدی . درسعادته عودتمده قبرینی اونندن بوندن او قدر صوردم ، او قدر تحری ایلدمسده نروده اولدیغنه دائر صحیح بر معلوماته دسترس اوله مدیغمدن مدفندره روح پاکنه بر (یس) شریف او قومغه موفق اوله مدم .

ذوات مشار الیه من بشقه عصرک دها نیجه کزیده افاضلندن استفاده ایلدم . هله :

کتاب عالمک اوراقیدر ابعاد نامحدود

سطور حادثات دهردر آثار نامعدود

باصلمش دستکاه لوح محفوظ طبیعتده

محکم لفظ معنیداردر عالمده هر موجود

قطعه سی ماهیتنه قول شارح اولان خواجه شهر ارناؤد تحسین افندی مرحومدن خیلی مستفید اولدم . مرحومک علینه توجیه ایدیلن سهام اعتراضات احوال روحیه سی یاقیندن تماشای ایلدیکی ایچوندر . حب علمه دنیانک آلایشنی فدا ایتش ، فکری مسائل

[۱] مرحومک اسمی احمد ، شهرتی شیخ تمیمی ، تاریخ وفاتی ۱۲۸۷ در . درسعادته ابا ابوبالانصاری جامع شرفک مصلای دروننده واقع حظیره ده مدفوندر . قبرشینی مصلابه کیرلکده باب مصلانک صاغ طرفنه دوشن مقارک اک ارقه سنده کی صفک جاده جهتنده دیواره متصلدر .